

վարութեան ծրագիրը եւ երեքդժանի (մոսին) հրացանի արժէքը բարձրացնում է մինչեւ ութ հազար ուրլու: Ահա այս ձեւով, կարողանում է մեծ քանակութեամբ գէնքեր գնել ու զինաթափել հայ զիւղացիներին:

Այդ օրերին ութ հազար ուրլին քիչ փող չէր, կարելի էր 10-15 փութ ցորեն գնել: Քաղցած եւ ընտանիքով ծանրաբեռնուած զիւղացիներ կար չէր մտածում, որ իր գէնքը ծախում էր իր թշնամուն եւ առանց խորանայլու որ այդ գէնքով մի օր թշնամին, իր դէմ պիտի դուրս գայ, ծախում էր գէնքը, սովից աղատելու համար իր ընտանիքը:

«Ապառաժ»ի Կ. Կոմիտէն լաւ ըմբռնելով Ադրբէյջանի կառավարութեան նպատակը, որոշում է դաւառում ուժեղ ինքնապաշտպանական մարմին ստեղծել: Նրա ձգտումն էր նախ զինավաճառների եւ լրտեսների վրայ ազդել եւ երկրորդ՝ շրջաններում գաղտնի մարմիններ առաջ բերել եւ հայ զիւղացիներին զինել:

Կ. Կոմիտէի կողմից ընտրուած է ինքնապաշտպանական մարմին երեք հոգուց բաղկացած — Ա. Ծ., Ա. Ա. եւ Ս. Մ.:

Այդ Ինքն. Մարմինը Սեպտ.ի սկզբներից անցնում է գործի եւ բոլոր շրջանների կարեւոր զիւղերում առաջ է բերում զիւղական ինքնապաշտպանական մարմիններ, որոնց միջոցով կուռում է զինավաճառման եւ լրտեսների դէմ, ու միաժամանակ զիւղական միջոցներով զինում է շրջանները:

Պէտք է ստել, որ Ինքնապաշտպանական Մարմինը, հակառակ իր նեղ միջոցներին, մեծ գործ է կատարում դաւառում:

Թէ՛ Ինքնապաշտպանական Մարմինը եւ թէ՛ Կ. Կոմիտէն, միանգամայն զուրկ էին նիւթական միջոցներից եւ հնարաւորութիւն չունէին որեւէ լուրջ գործի մասին մտածելու:

Ազգային Սորհուրդը, ահազին պարտքերի դիմաց Զիւանչիրում Մ-ի մօտ երեսուն հազար ուրլի միայն ունէր:

Ինքն. Մարմինը այդ դրամը ստանում է Մ-ից եւ մի մասով Ազգային Սորհուրդի անհրաժեշտ պարտքերն է վճարում, իսկ միւս մասը սուրհանդակային գործին է յատկացրել եւ կապ է ստեղծում Զանգեզուրի կառավարութեան հետ:

7-րդ համազումարից մի ամիս չանցած, Ադրբէյջանի կառավարութիւնը, նոր-նոր պատրաստութիւններ է տեսնում, Զանգեզուրը գրաւելու համար:

Առաջին հերթին Շուշի-Եւլախ խճուղին փակելու համար, որպէսզի այլեւս հայեր չճամբորդեն, մի շարք կոտորածներ է առաջ բերում:

Սիմէօն Իւզրաշեանին իր բարեկամների հետ, երեք կառք ճամբորդների, Ղարբանդումն են անհետացնում:

Երկու բեռան կառք լիքը հայերի — Բագուից տուն վերադարձող զիւղացիներ — Աղ-դամում են կոտորում:

Դաշտային մասում աշխատող հայ զիւղացիներին, կենդանի-կենդանի հորերն են լըցնում:

Եւ այս ձեւով փակում են Շուշի-Եւլախ խճուղին ու միաժամանակ էլ երկու ժողովուրդների յարաբերութիւնը նորից լարում է:

Ադրբէյջանի կառավարութիւնը, բացի կոտորածներ առաջ բերելուց ու խճուղիները փակելուց, Սեպտեմբերի վերջերին խախտում է Եօթերորդ համազումարի համաձայնագիրը եւ մի ամբողջ բրիգադա զօրք է շարժում դէպի Ղարաբաղ, բռնելով Ասկերանի, Շուշու, Խանքեյտի, եւ այլ կարեւոր շրջանների ռազմական կէտերը, իսկ Ս. Սուլթանովը, իր աւագակային խմբերով, ահ ու սարսափի մէջ է պահում սահմանամերձ հայ զիւղերը եւ այսպիսով միանգամայն փակում բոլոր ճանապարհները:

Հոկտեմբերի կէսերին Հ. Յ. Դ. «Ապառաժ»ի Կ. Կոմիտէն ստոյգ տեղեկութիւններ է ստանում, որ Ադրբէյջանի կառավարութիւնը, ծրագրել է Զանգեզուրը գրաւել եւ այդ նպատակով էլ զօրքեր է կենդրոնացնում Ղարաբաղում:

Կ. Կոմիտէին յաջողուել էր Ադրբէյջանի կառավարութեան՝ Սուլթանովին ուղարկած ծածկագիր հեռագիրները բանալ եւ մանրամասնութիւնները իմանալ:

Հոկտեմբեր 28-ին Ադրբէյջանի կառավարութիւնը հրահանգում է Ղարաբաղի հրամանատարին եւ Սուլթանովին, զօրքերը շարժել